

नास्टमा कम्प्युटर
इन्जिनियरिङ,
बिस्नेस, बिबिसि
र सिभिल
इन्जिनियरिङका साथै
अब MBA पनि ।

नास्ट कलेज
धनगढी-४, उत्तरबेहडी, कैलाली
सम्पर्क नं. ०९१-५२३३१२
९८५८४८७१२५

थारु भाषाको 'क' वर्गको राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाऔं,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २२ अंक २११ वि.सं. २०८१ फागुन ०८ गते विफे थारु सम्वत (२६४८) [Thursday 20 February 2025] (मोल रु. ५ ।- पेज ४)

इन्सेकके नेपाल मानव अधिकार वर्ष पुस्तक २०२५ सार्वजनिक एक वर्षमा १ हजार ९९ जाने पीडित

राससके ६४ औं वार्षिकोत्सव अब्बेक समयमे प्रविधिके प्रयोग सबसे भारी: मन्त्री सार्की

पहुरा समाचारदाता
धनगढी, ७ फागुन । अनौपचारिक सेवा केन्द्र (इन्सेक) सुदूरपश्चिम प्रदेश कार्यालयसे नेपाल मानव अधिकार वर्ष पुस्तक २०२५ सार्वजनिक करटी सुदूरपश्चिम प्रदेशके मानव अधिकार अवस्थाबारे छलफल करले बा ।
बुधके रोज धनगढीस्थित अपने कार्यालयमे पत्रकार सम्मेलनके आयोजनाके उ पुस्तक सार्वजनिक करटी प्रदेशके मानव अधिकारके अवस्थाबारे छलफल करल हो ।

इन्सेक सुदूरपश्चिम प्रदेश संयोजक खडकराज जोशी वर्ष पुस्तक सुदूरपश्चिम प्रदेशलायत सात प्रदेशमे सार्वजनिक हुइल जनैलै । इन्सेकसे सुदूरपश्चिम प्रदेशमे करल अभिलेख अनुसार सन् २०२४ मे सुदूरपश्चिम प्रदेशमे मानव अधिकार उल्लंघन ओ ज्यादतीके १ हजार ८१ घटनामे १ हजार ९९ जाने पीडित हुइलै । यी वर्ष मानव अधिकार उल्लंघनके ११ घटनामे एक महिला ओ १० पुरुष करके जम्मा ११ जाने तथा ज्यादतीके १ हजार ७० घटनामे १ हजार ५४ महिला ओ ३४ जाने पुरुष करके जम्मा १ हजार ८८ जाने पीडित हुइल उहाँ जनैलै । यी सख्या गैत वर्षसे १ सय २ जाने कम हो ।

यी वर्ष राज्य पक्षसे कुटपिटके घटनामे दुई जाने, गिरफ्तारीके घटनामे ६ जाने, जेलमे मृत्यु घटनामे एक जाने, हिरासतमे मृत्यु घटनामे एक जाने ओ अमानवीय व्यवहार घटनामे एक जाने करके ११ जाने पीडित हुइल अभिलेख हुइल उहाँ जनैलै । अन्य पक्षसे कुटपिट



तथा धारियार हतियार प्रहारसे हत्याके घटनामे नौ जाने, घाहिलके घटनामे ११ जाने, बाल अधिकारके घटनामे १ सय ५ जाने, जातीय विभेदके घटनामे तीन जाने, महिला अधिकारके घटनामे ९ सय ४७ जाने, अमानवीय व्यवहारके घटनामे दुई जाने, कुटपिटके घटनामे आठ जाने ओ धम्कीके घटनामे तीन जाने पीडित हुइल अभिलेख हुइल उहाँ जनैलै ।

सन् २०२४ मे महिलाउपपर हुइना हिंसाके घटनामे ९ सय ४७ जाने पीडित हुइल अभिलेख हुइल बा । यी वर्ष घरेलु हिंसाके घटनामे ८ सय ३२ जाने, बलात्कारके घटनामे ६३ जाने, बलात्कार प्रयासके घटनामे १३ जाने, यौन दुर्व्यवहारके घटनामे चार जाने, बालत्कारपश्चात हत्या घटनामे एक जाने, सामूहिक बलात्कार घटनामे पाँच जाने, वैवाहिक बलात्कार घटनामे ११ जाने, वेचबिखन तथा ओसारपसार

प्रयास घटनामे दुई जाने, वेचबिखन तथा ओसारपसार घटनामे पाँच जाने, साइबर अपराध घटनामे दुई जाने, कथित बोक्सीके आरोप घटनामे दुई जाने ओ परिवारजनसे हत्या घटनामे सात जाने महिला पीडित हुइल अभिलेख कैगल बा ।

बाल अधिकार उल्लंघनके घटनामे १ सय ५ जाने पीडित हुइल अभिलेख हुइल । यी वर्ष बलात्कारके घटनामे ५८ जाने, सामूहिक बलात्कार घटनामे ६ जाने, यौन दुर्व्यवहारके घटनामे २४ जाने, बलात्कारपश्चात हत्या घटनामे एक जाने, व्याभिचार घटनामे आठ जाने, बाल विवाह घटनामे दुई जाने, वेचबिखन तथा ओसारपसार घटनामे चार जाने ओ शारीरिक यातना घटनामे दुई जाने बालिका पीडित हुइल अभिलेख हुइल बा । जातीय विभेदक घटनामे यी वर्षफे एक जाने महिला सहित तीन जाने पीडित हुइल अभिलेख हुइल ।

विगत वर्षमे जस्टे गी वर्षफे पारिवारिक हत्याके विभास घटनाके सख्या उल्लेख्य रहल । यी वर्ष पारिवारिक हत्याके घटनामे सात जाने महिला मारल बटै ।

परिवारजनसे महिला उपपर हुइना घरेलु हिंसाके उजुरी हरेक वर्ष बहना करल बा । कतिपय बेला परिवारजनसे महिलाउपपर हुइना घटनाहे परिवारमे गुपचुप रख्न वा गाउँ समाजमे मिलाजाइठ । ढेर जैसिन घटनामे महिलाके दोष डेखाके आरोपितहे उन्मुक्ति डेना कार्य फे हुइटी रहल बा ।

अभिनफे घरेलु हिंसासे महिलाउपपर हुइना शारीरिक तथा मानसिक आघातहे संवेदनशीलताके साथे हेर्ना संस्कृतिके निर्माण हुई नैसेकल हो । महिलाउपपर हुइना घरेलु हिंसाहे परम्परागत रूपमे लेना सोच यथावत् रहल विलाइठ बा । इन्सेक प्रतिनिधिसे जिल्लाके प्रहरी कार्यालयमे रहल महिला तथा बालबालिका तथा ज्येष्ठ नागरिक सेवा केन्द्र अनुगमन (बाँकी, ३ पेजमे)



पहुरा समाचारदाता
धनगढी, ७ फागुन । सुदूरपश्चिम प्रदेशक आन्तरिक मामिला तथा कानूनमन्त्री हीरा सार्की पत्रकारितामे अब्बेक समय प्रविधि प्रयोग आवश्यक रहल बटैले बटै ।

राष्ट्रिय समाचार समिति (रासस) के ६४ औं वार्षिकोत्सवके अवसरमे धनगढीमे बुधके रोज आयोजित कार्यक्रममे उहाँ यैसिन बटाइल रहित । पत्रकारितामे भारी शक्ति रहल मन्त्री कहाई रहे । “पत्रकारले सही ढंगसे कलम चलाडेलेसे प्रदेश ओ जिल्लाके समृद्धिमे भारी सहयोग पुगी”, उहाँ कहलै । राससप्रतिके विश्वास पहिलेसे अभिनसम

यथावत् रहल मन्त्री सार्कीके कहाई बा । ओस्टेक करके मुख्यमन्त्री तथा मन्त्रीपरिषद् कार्यालयके सचिव वसन्तप्रसाद कोइराला सूचनाके हकहे ओभेलेमे धारके प्रजातन्त्र ओ जनताके समृद्धि नैहुइना बटैले ।

जिल्ला प्रशासन कार्यालय कैलालीके सूचना अधिकारी शिवराज जोशी रासससे नकारात्मकसेफे सकारात्मक समाचार डेना प्रशंसनीय कार्य रहल बटैले । कार्यक्रममे नेपाल पकार महासंघ सुदूरपश्चिम प्रदेश अध्यक्ष भरत शाह, कैलालीके निवर्तमान अध्यक्ष हिमालय जोशी लगायत (बाँकी, २ पेजमे)

रजत महोत्सव प्रतीक चिन्ह उपलब्ध गराउन हार्दिक आह्वान ।

नेशनल एकेडेमीले अफ साइन्स एण्ड टेक्नोलोजीले सेवाको २५ वर्ष पुगेको अवसरमा यसै वर्ष रजत महोत्सव मनाउने सम्बन्धमा आफूना अभिभावक, विद्यार्थी, पत्रकार र शुभचिन्तकहरू लगायत सबैमा जानकारी गराउन पाउँदा हर्षविभोर छौं । उल्लेखित महान् अवसर जनाउने र यस एकेडेमीको विद्यमान स्वीकृत लोगो सँगै प्रचलित कानून विपरीत नहुने गरी कुनै स्थानमा उपयोग गर्न मिल्ने प्रतिक चिन्ह र यसै सम्बन्धी बढीमा दश शब्दको वाक्य यही मिति २०८१/११/२१ गते सम्ममा प्रत्यक्ष वा E-mail बाट उपलब्ध गराउन इच्छुक महानुभावहरू समक्ष हार्दिक आह्वान गरिएको छ ।

प्रतिस्पर्धात्मक रूपमा प्राप्त हुने प्रतिक चिन्ह र वाक्य एकेडेमीको छनौट समितिद्वारा स्वीकृत सर्वोत्कृष्ट प्रस्तुतकर्तालाई रु २५०००/- (पच्चीस हजार) प्रोत्साहन राशीसहित रजत महोत्सव कार्यक्रममा सम्मान गरिने हुँदा प्रतिस्पर्धामा बढीभन्दा बढी सहभागिताको लागि हार्दिक आह्वान गर्दछौं । अलग-अलग प्रस्तोताको प्रतिक चिन्ह र वाक्य स्वीकृत भए प्रोत्साहन राशीलाई आधा-आधा गरी प्रदान गरिनेछ । कुनै पनि प्रस्तुती स्वीकृत गर्ने नगर्ने सम्पूर्ण अधिकार यस एकेडेमीमा रहेको छ ।

National Academy of Science and Technology
Dhangadhi Kailali



Phone No. 091-523312, 523949, 521312

E-mail: nastdhn@gmail.com

Website: www.nast.edu.np

कर्मचारी आवश्यकता सम्बन्धी सूचना

यस सहकारी संस्थाको लागि निम्न पदमा कर्मचारी आवश्यक परेकाले इच्छुक महानुभावहरूले सूचना प्रकाशित भएको मितिले ७ दिनभित्र दरखास्त आव्हान गरिएको छ ।

वि.नं. १/०८१/०८२

पद: व्यवस्थापक

तलब:- आपसी सहमतिमा

शैक्षिक योग्यता: स्नातक

निवेदन दस्तुर: १०००/-

निवेदन दिने अन्तिम मिति: २०८१/११/८ गते

सम्पर्क मिति: २०८१/११/८ गते

अनुभव: सहकारी संस्थामा व्यवस्थापक वा लेखापाल भएर कम्तीमा ३ वर्षको अनुभव भएको ।

नोट: निवेदनका साथ, संस्थालाई उकास्त आफू व्यावस्थापक भएमा गर्न सक्ने सम्भावित कार्यहरू समेटेर बनाइएको कार्ययोजना पेश गर्नुपर्ने छ ।

श्री बागेश्वरी कृषि तथा लघु उद्यम सहकारी संस्था लिमिटेड

कैलारी गाउँपालिका-१ हसुलिया कैलाली

सम्पर्क नम्बर: ९८५८४२४६२३, ९८४८४२४१११, ९८४८४२४६६२

पेट, छाती, मुटु तथा थाईराईड विभाग

उपचार हुने रोगहरू

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)

NMC No. 15308

कन्सल्टेन्ट फिजिसियन



धनगढी
संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

स्माईल चौधरीसे प्रकाशित

संस्थापक : प्रेम चौधरी (९८४८४२२२०७)

कार्यकारी संपादक : राम दहिल (९८४८४२४५१८)

भाषा संपादक : दिलबहादुर चौधरी

पहुँचा संपादक : कृष्णराज सर्वहारी

कार्यालय संपादक : अधिवक्ता जोहारीलाल चौधरी

व्यवस्थापक संपादक : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहिल (९८१२६४१६०१)

हसुलिया शाखा: नरेन्द्र चौधरी (९८४८४२३०३६)

पहलमानपुर शाखा: जीवन चौधरी (९८४८४०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समीची अफसेट प्रेस, बेहडी, धनगढी

कर्णालीमे बैठना मधेशीके अनुभव: विभेद भोगे नैपरल हो



पहुरा समाचारदाता
सुर्खेत, ७ फागुन । मधेशी समुदायके पहडियाप्रति सदा एक ठो गुनासो रहठ, हम्रहिनहे देसी कहिके हेपठे, इन्डियन (भारतीय) के बिल्ला भिरैठे ।

नम्मा समयसे कर्णाली प्रदेशहे कर्मभूमी बनाइल मधेशी समुदायके प्रतिनिधिसे भर कर्णालीमे ओसिन विभेद भोगे नैपरलमे गर्व करले बटै । तराई मधेशके टमान जिल्लासे कर्णालीमे विशेष करके शिक्षण ओ व्यापार व्यवसायके सिलसिलामे यहाँ आपुगल ओइनहे एकक थलोमे जुराइल हो, कर्णाली उत्सव, कुडा कर्णालीसे ।

मध्यपश्चिम विश्वविद्यालयमे कार्यरत उपप्राध्यापक इन्जिनियर हरिनारायण यादवसे सहजीकरण करल कर्णालीमे मधेश नामक सत्रमे सहप्राध्यापक डा विनयकुमार दास, प्रधानाध्यापक श्रवणकुमार शर्मा ओ नेपाल नाई संघ सुर्खेतके अध्यक्ष अर्जुन ठाकुर मधेशसे आके कर्णालीमे बैठलके अनुभव सुनैलै । मने उ अनुभव तित नैरहे ।

२०४७ सालसे वीरेन्द्रनगर बहुमुखी क्याम्पसमे प्राध्यापनके लाग सुर्खेत आपुगल सहप्राध्यापक विनयकुमार दास मधेशसे कर्णालीमे राजनीतिक कचर मजा रहल बटैलै । 'जौनफे पार्टीके हुइलेसेफे मेलमिलाप, आपसी समन्वय मजा बा, मै आइल बेला भर्खर बहुदल आइल रहे, उहाँ कहलै, 'टबसे हेरटी आइल बटु, यहाँ राजनीतिक दलसे मिलके काम करल डेछु मने मधेशमे ओसिन

नैडेछु ।' मधेशके राजर्षी जनक विश्वविद्यालय ओ मध्यपश्चिम विश्वविद्यालय एकके दिन स्थापना हुइलेसेफे राजर्षी जनकसे मध्यपश्चिमसे मजा प्रगती करल टिप्पणी करलै । मधेशमे राजनीतिक संस्कार ओ राजनीतिक प्रणाली मजा नैहुके उहाँक सार्वजनिक संस्थासे प्रगति करे नैसेकल उहाँक कहाई रहे ।

'कर्णालीके हावापानी मजा बा, न ज्यादा गर्मी न जार, मने फे मनैहस पैनु, हम्रहिनहे मधेशी विभेद नैहो, दास कहलै, 'ठोरचे मधेशसे कर्णालीके विद्यार्थी कम अध्ययन कैना पैनु, पढाइहे ओटरा महत्व डेहल नैपैनु ।'

सुर्खेतके बराहतालस्थित नेपाल राष्ट्रिय प्रावि स्याउलेके प्रधानाध्यापक श्रवणकुमार शर्मा कर्णालीमे शिक्षक, कर्मचारीहे काम कैना मजा वातावरण रहल बटैलै । २०७२ साल अगहनसे सुर्खेत कार्यक्षेत्र बनाइल सप्तरीके उहाँ अपनहे कर्णाली छोरके मधेश जैना मन नैलागल बटैलै । महीहे सुर्खेतसे टे बराहताल छोरन मन नैलागठ, ढेर जाने माया करठे, मै विभेद कबु खेले नैहु, उहाँ कहलै ।

वीरेन्द्रनगरमे २०४६ सालसे हजाम व्यवसाय सञ्चालन करटी आइल महोत्तरीके अर्जुन ठाकुर अपने मधेशी समुदायके रुपमे कौनो मेरके विभेद भोगे नैपरल बटैलै । हम्रहिनहे कौनो विभेद नैहो, यहाँक मनै असाध्यै मिलनसार, सहयोगी पैले बटु, उहाँ कहलै, कर्णालीबासीके अगाध मायाके कारण मधेश जैना मन नैलागठ ।

विकासमे रमैटी सुदूरपश्चिम

न डगरा न टे बस्ती । सुगम जिल्ला कैलाली, कञ्चनपुरमे करी रहे उ बेला । कैलालीके एक ठाउँसे औरै ठाउँमे पुगक लाग भारतके डगरा जाइ परे । उ बाहेक अन्य विकल्प नैरहे । लम्की, टीकापुर क्षेत्रके सर्वसाधारण उ ठाउँसे धनगढीसम भारतके तिकुनियौ, गौरीफन्टा हुइटी आउजाउ करिट । आपन जिल्लासे पूरुबसे पश्चिउ, पश्चिउसे पूरुब ओहोरदोहोर कैना सजिल नैरहे । डगराके अभाव ओ लडियामे पुल नैहोके करी रहे आवतजावत कैना ।

२००७ सालसे पहिले कैलाली, कञ्चनपुरमे थारू समुदायबाहेक अन्य जातिके बसोबास नगण्य रहे । बस्ती छिटफाट रहे । उ बेला पहाडमे जनसंख्या ढेर ओ तराईमे कम रहे । राणाहुके पहाडमे दुई गाँउ (जिल्ला) ओ तराईमे एक गाँउ कायम करल रहिट । अब्बे अछामके आधा भूभाग उ बेला दुल्लु गाँउमे परे । मुखिया, जिम्मावालमार्फत गाउँओर घरकर, भूमिकर उठाइत मने मनै अठन्नी, चवन्नी फेन टिरे नैसेकिट । पैसासे फेन वस्तु लेनदेन प्रचलनमे रहे । गाउँघरमे पर्म प्रथा चलनचल्तीमे रहल रहे । उ बेला समग्रमे जनजीवन कष्टकर रहे मने खानाके समस्या भर नैरहे । उ बेलाके मनै मेहनत कैके अपनही उब्जाइल अन्नपात उपभोग करिट । सर्वसाधारणहे खाइक लाग समस्या नैरलेसे फेन २००७ सालसे पहिले सुदूरपश्चिमके समग्र जनजीवन कष्टकर रहे । उहाँहुकनहे काठमाडौँ जैना विदेश गैल जस्टे होए । पैदल नेंगके भारत पुना ओ वहाँसे लखनऊ, गोरखपुर हुइटी काठमाडौँ जाइत ।

२००७ सालके परिवर्तनके साक्षी १२ वर्षीय कैलालीके भोजराज श्रेष्ठके अनुसार उ समय सुदूरपश्चिममे विद्यालय नैरहे । डगरघाट, पुलपुलेसा, बिजुलीबन्ती नैरहे । जनजीवन कष्टकर रहे । सर्वसाधारण अध्ययनके लाग पिथौरागढ पुगिट । ठोरचे पैसा रहलहुके नैनीताल पुगके वहाँके विद्यालयमे अध्ययन कैना करिट । २००७ सालमे प्रजातन्त्र आइलसँगे मुलुकमे कुछ परिवर्तनके बीजारोपणके सुरुवात हुइल । परिवर्तन हुइलेसे फेन सोचमे भर परिवर्तन आइ नैसेकल रहे । निमुखाहे दबाके शासन करे सेकजाइठ कना मानसिकतासे निरन्तरता पैटी रहल । सुदूरपश्चिम विश्वविद्यालयके अर्थशास्त्र सक्तायका डिन डा. भवानसिंह चलाउनेके अनुसार २०१३/१४ साल ओर शिक्षके तालिम डेगैल । ओकरपाछे सरकारसे नैहोके निजी क्षेत्रबाट कुछ विद्यालय खुल्ल मने व्यवस्थित हुइ नैसेकल ।

२०१७ सालमे राजा महेन्द्र 'कु' कैके पञ्चायती व्यवस्था लागु करलपाछे शिक्षाके कुछ गतिविधि बहल । २०१७ सालमे समुदायस्तरसे डोटी आर्ट कलेज खोलगैल । २०३२ सालमे उ कलेजहे आगिक क्याम्पस बनागैल । उहीसे पहिले १९७० दशक ओर बभनाडके जयपृथ्वीबहादुर सिंहसे काठमाडौँमे सञ्चालन करल विद्यालय इ क्षेत्रमे लानल रहिट ।

तराईमे दुई ओ पहाडमे सात जिल्ला रहल सुदूरपश्चिम प्रजातन्त्र आइल बसौसम डगरा नैरहे । २०१८ सालमे पूर्वपश्चिम राजमार्गके रेखाकतन हुइलेसे फेन कैलाली, कञ्चनपुरमे इ राजमार्ग पूरा हुइना ३८ बरस लागल । २०४६ सालसम धनगढीसे लम्कीसम पुगक लाग भारतके डगरा होके जाइ परे । २०५६ सालमे पूरुबपश्चिउ राजमार्ग पूरा होसेकलपाछे भर कैलालीके एक ठाउँसे औरै ठाउँमे पुगक लाग भारतके डगरा प्रयोग करे पर्ना बाध्यताके अन्त्य हुइल रहे । ओस्टके विसं २०४९ सालमे चिसापानीस्थित कर्णाली लडियामे कर्णाली पुल बनलपाछे इ प्रदेश नेपालके राजधानीसहित अन्य भूभागसँग जोरल रहे । कर्णाली पुलसे सुदूरपश्चिमहे

नेपालसँग किल नैजोरल, विकासके ढोकासमेत खोला काम करल । अब्बेसम हुइल ढेर विकास कर्णाली पुलसे कैलाली ओ बर्दिया जिल्लाके भूभागहे जोरलपाछे किल सम्भव हुइल हो । पञ्चायती व्यवस्थाके क्रममे पूर्वपश्चिम राजमार्ग किल नैहोके सुदूरपश्चिमके पहाडी जिल्लाके लाग अत्तरिया-डडेलधुरा राजमार्ग बनल । ओकरपाछे विद्यालय, अस्पताललगायतके आधारभूत संस्था खुले लागल । प्रजातन्त्र हुइटी अब्बेक संघीय लोकतान्त्रिक गणतन्त्रात्मक व्यवस्थासम आइतसम अब्बे सुदूरपश्चिमके सक्कु जिल्लामे सडक सञ्जाल पुगल बा । ८८ पालिका सडक सञ्जालसँग जोरल बावै । अर्थसम्बन्धी जानकारीसमेत रहल चलाउनेके अनुसार सबसे ढिला बाजुरा जिल्ला सडक सञ्जालमे जोरल हो । भौगोलिक दृष्टिकोणसे कठिन इ जिल्लामे गरिबी सबसे ढेर रहल बा । ओस्टके दार्चुलाके व्यास गाउँपालिकावासीहे आवतजावत कैना अभिन सहज नैहो । छाड्ठु ओ टिड्ढाका मनै सदरमुकाम खलङ्गासम आउजाउ करक लाग उ बेला कैलालीवासी भारतके डगरा प्रयोग करल जस्टे अभिन फेन भारतके डगरा आउजाउ करे पर्ना बाध्यता बा । नेपालसे घोडेठो डगरा समेत नैहो ।

विगतमे एकादेश जस्टे रहल सुदूरपश्चिम नेपालसँग जोरजैना कहीं न कहीं प्रजातन्त्रके देन रहल बा । अब्बे भौतिक, आर्थिक, सामाजिक विकास हुइल बावै । कृषि, शिक्षा, स्वास्थ्यके अवस्थामे सुधार हुइल बा । यद्यपि सुदूरपश्चिम प्रदेश अबेसम फेन ढेर चीज करे पर्ना ओ राज्यसे पैना बाँकी रहल बा । सुदूरपश्चिम प्रदेश सरकारके आर्थिक बरस २०८१/८२ के बजेट वक्तव्य अनुसार इ प्रदेशके आव

विगतमे एकादेश जस्टे रहल सुदूरपश्चिम नेपालसँग जोरजैना कहीं न कहीं प्रजातन्त्रके देन रहल बा । अब्बे भौतिक, आर्थिक, सामाजिक विकास हुइल बावै । कृषि, शिक्षा, स्वास्थ्यके अवस्थामे सुधार हुइल बा । यद्यपि सुदूरपश्चिम प्रदेश अबेसम फेन ढेर चीज करे पर्ना ओ राज्यसे पैना बाँकी रहल बा । सुदूरपश्चिम प्रदेश सरकारके आर्थिक बरस २०८१/८२ के बजेट वक्तव्य अनुसार इ प्रदेशके आव



२०८०/८१ के कुल गार्हस्थ्य उत्पादन चार खर्ब चार अर्ब २८ करोड रुपियाँ रहल बा । प्रदेशके आर्थिक वृद्धिदर ३.४१ प्रतिशत रहल बा ।

प्रदेशके प्रतिव्यक्ति आय एक हजार ११ अमेरिकी डलर रहल बा । बैक्त तथा वित्तीय संस्था ८४६ पुगल बावै । प्रदेशके सहरी क्षेत्रके गरिबी दर ३०.८६ ओ ग्रामीण क्षेत्रके ४०.२१ प्रतिशत रहल बा । मानव विकास प्रतिवेदन २०२३/२४ अनुसार इ प्रदेशके मानव विकास सूचकांक ०.५४७ प्रतिशत रहल बा । प्रदेशमे शैक्षिक सत्र २०८० सम आधारभूत तह (१-५ कक्षासम) के एक हजार ८८२, आधारभूत तह (१-८ कक्षासम) के ५७२, माध्यमिक तहके ८८७ सामुदायिक विद्यालय पुगल बावै । ओस्टके संस्थागत ओर क्रमशः १९८, २५४ ओ १७१ विद्यालय रहल बावै । २०८० फागुनसम प्रदेशमे १७१ मेगावाट विद्युत् उत्पादन हुइल तथ्याक्त रहल बा । ८३.५ प्रतिशत जनसंख्या विद्युतके पहुँचमे पुगल बा ।

साभार: गोरखपत्र

अब्बेक ... मन्तव्य राखल रहिट । रासस सुदूरपश्चिम प्रमुख सिद्धराज भट्टके अध्यक्षतामे हुइल कार्यक्रममे उहाँ अइना दिनमे रासससे थारू ओ डोटेनी भाषामे

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौं र लगाऔं ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १७,३००/- अनिवार्य रूपमा कायम गरौं/गराऔं ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔं, लैगिक हिंसाको अन्त्य गरौं ।
- बालश्रम कानूनी रूपमा दण्डनिय अपराध हो । बालश्रम नगरौं/नगराऔं ।
- श्रम अडिट प्रत्येक वर्षको पौष मसान्तभित्र अनिवार्य रूपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौं व्यवसायजन्य रोग लाग्नबाट बचौं ।
- श्रम ऐन, २०६४ र नियमावली, २०७५ को पूर्णरूपमा कार्यान्वयन गरौं ।
- वैदेशिक रोजगारीमा जाँदा अनिवार्यरूपमा श्रम स्वीकृति गरेर जाऔं ।

श्रम तथा रोजगार कार्यालय धनगढी, कैलाली

1ST DM PEDIATRIC NEUROLOGIST IN NEPAL

बाल नशा, मस्तिष्क, टाउको रोग विशेषज्ञ/बाल न्यूरोलोजिस्ट

के तपाईंको बच्चाका न्यूरोलोजी सन्तकधी निम्न लक्षणहरू छन् ।

- अटिजन/मानसिक विकासको कमी
- टाउको दुख्ने र रिझाउ लाग्ने
- नशा कमजोर गर्ने, डीङ तथा जीर्नीहरू दख्ने
- हिड्न र खेल्न सिकानामा ढिलाई
- ठवाई, लोल, शिकाई जतबन्धी जन्मजातक
- बाल छरे रोग
- मस्तिष्क घाट/मस्तिष्क ज्वरो
- न्यूरो जेनेटिक (वंशाणुगत रोगहरू)
- कुल बाँजो र मांसपेशीका रोगहरू

डा. सन्तोष मिश्र
Consultant Pediatrics Neurologist
MBBS, MD, DM (PGIMER Chandigarh, India)
NMC No.: 11709

डाक्टर आउने मिति **फागुन १६-१७ गते**

Hasanpur, Dhangadhi-5, Kailali, Nepal
Tel. 091-527000/01/02, 9865680100

Advanced Healthcare for all...

डिवश ड्राईभिङ सेन्टर

दक्ष चालक बना सक्नु सैद्धान्तिक तथा व्यवहारिक ज्ञान देना प्रयास हमार, सफलता अपनेके ।

नोट: साथै तुरुन्तै अड्डिया विचारनिके लाग बैठना व्यवस्था समेत उपलब्ध बा । समयमे सक्नु सिकाए विचारनिकहे सत्यकै कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६८५

सीप सिकी, स्वरोजगार बनी विद्यार्थी ओ ग्रुपमे अड्डियाहुकनहे विशेष छुटसहित...

हमार यहाँ दक्ष प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथै फोटोग्राफीके सुविधा समेत उपलब्ध बा ।

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सञ्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिखके पठाइ सेकि । अपनेक विचार लम्मा हुइ परठ कना नइ हो । आइ कलम पत्रि, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

जरूरी टेलिफोनके प्रायोजक:

हमार यहाँ बोडलर सुनिनके मासु सुपथ मोलमे मिलठ । सेवा कना मौका अवश्य देह्वी ।

नोट : भोजविहा, व्रतबन्धके लाग होम डेलिभरीके सुविधा बा ।

प्रो.रमेश चौधरी केभी मासु पसल

बैयावेहडी चौक, धनगढी कैलाली शादर उमावि लगे मो. ९८१९९३५६८०

एक्जुलेन्स नम्बर ९८३५६८९६९७, ९८३५६९७०९८, ९८१५६८०८०५६, ९८१५६८०००६८, ९८१५६८०२८५

प्रहरी अञ्चल प्रहरी कार्यालय ०९१- ५२९३०१ जिल्ला प्रहरी कार्यालय ०९१-५२९१५०,१०० वडा प्रहरी कार्यालय ०९१-५२९२९९,११०

इपिका अत्तरिया ०९१-५५०१९२ त्रिनागर प्रहरी चौकी ०९१-५२९१९३ जिल्ला प्रहरी कार्यालय ०९१-५२९१५३ इपिका मसुरिया ०९१-४०२०१४ इपिका चौमाला ०९१-६९२५७१ इपिका लन्की ०९१-५४०१९९ इपिका भजनी ०९१-५८०१९९ इपिका सुखड ०९१-५२९१९६ इपिका मालाखेती ०९१-५५०१९२ इपिका फल्टरे ०९१-६९०३३० इपिका हसुलिया ०९१-५२९१९५ इपिका पाण्डौन ९७४९०१९४१०५ सिमा प्रहरी चौकी बहुलिया ०९१-५२९२०६ इपिका टीकापुर ०९१-५६०१९९ स.प्र.वल सिमासुरक्षा धनगढी ५२६९२८ बैक नेपाल राष्ट्र बैक ०९१-२९३२२ नवजिवन बैक ०९१-५२३६५३ कृषि विकास बैक ०९१-५२९२३५ मालिका विकास बैक ०९१-५२३७३८ बैक अफ काठमाण्डौ ०९१-५२३३८६ बैक अफ एसिया ०९१-५२५६५०

नेपाल बलादेश बैक ०९१-५२९०८५ सिटिजन बैक ०९१-५२७४८५ कुमारी बैक ०९१-५२६०३८ सनराईज बैक ०९१-५२४८५० नेपाल इन्वेस्टमेन्ट बैक ०९१-५२३७०६ एनएमबी बैक लि.०९१-५२९२९६ सरकारी कार्यालय जिल्ला प्रशासन .०९१-५२९१०१ जिल्ला विकास .०९१-५३३५६० नगरपालीका .०९१-५२९४२९ मालपोत.०९१-५२९२०१, नापी शाखा.०९१-५६०४०२ कृषि विकास .०९१-५२३२५५, भूमि सुधार.०९१-५२९२२४ जिल्ला हुलाक.०९१-५२९१५७, नेपाल बाल संगठन: ५२६६६५

अस्पताल सेती अञ्चल.०९१-५२९२७१ नवजिवन ०९१- ५२९२३३/५२९७३३ विजय मेडिकल हल धनगढी ०९१-५२३४३५ पद्मा धनगढी ०९१-५५०३५५ सेवा नर्सिङ होम अत्तरिया ०९१-५५०७९७ एम्बुलेन्स मसुरिया ९७४९०१८०८१ घोडाघोडी अस्पताल सुर्खड ०९१-६९४७०७ टीकापुर अस्पताल ०९१-५६०१५०

दमकल १०१ नेपाल रेडक्रस सोसाईटी ०९१-५२९३३३ कैलाली उ.बा.संघ ५२९२३७, ५२३९७१ एम्बुलेन्स : ५२९६०० सामुदायिक एम्बुलेन्स सेवा टीकापुर ९८४५५७५० विगत : ५२९१४५ दिनेश नेटल ०९१-५२९३९२ होटल डिमोटी ०९१-५२३९९८/५२९३९९ जगदम्बा ०९१-५२३५९०, विवा ०९१-५२३७०३ लरुण ०९१-५२३६९३, सनलाइट ०९१-५२९३३६ बल्ड लिंक धनगढी : ५२०१५१ बालुवाजो ०९१-५२२८३०/५२७९१० नेपाल पत्रकार महासंघ : ५२७९२२ शैक्षिक संस्था कैलाली बहुमुखी क्याम्पस ०९१-५२९२२३ सुदूरपश्चिमाञ्चल क्याम्पस ०९१-५२९१९२ ऐश्वर्य बहुमुखी क्याम्पस ०९१-५२९०७९ राजनैतिक पार्टी नेपाली कांग्रेस कार्यालय : ५२७९१५ नेकपा (एमाले) कार्यालय : ५२७९१० बसपाके काउन्टर धनगढी : ०९१-५२९२५२ एफ.एम दिनेश एफ एम ९३.८ मेगाहर्ज धनगढी: ०९१-५२६७०१

गरिबी ओ भ्रष्टाचारहे चिरके सरकार आधे बही : प्रधानमन्त्री

पहुरा समाचारदाता
काठमाडौं, ७ फागुन । प्रधानमन्त्री केपी शर्मा ओली वर्तमान सरकार लोकतन्त्रहे पारदर्शी ओ आउर जवाफदेही बनैटी समाजमे व्याप्त असमानता, गरिबी ओ भ्रष्टाचारके चुनौतीहे चिरके आधे बहना बटैले बाटै ।

राष्ट्रिय प्रजातन्त्र दिवस-२०८१ के अवसरमे बुधके सैनिक मञ्च टुँडिखेलमे आयोजित समारोहहे सम्बोधन कैटी उहाँ युवाहे सशक्त बनाके नै मुलुकहे समृद्धि ओर लैजैना सरकारके नीति रहल स्पष्ट परलै ।

“लोकतन्त्रके ओजरारके कारण आज डिजिटल माध्यमसे नागरिकहे शीघ्र सार्वजनिक सेवाके थालनी करे सेकल हुइटी, जैसिक सरकारी सेवाहे भन्फटरहित ओ पारदर्शी बनैना सुरु करल बा”, प्रधानमन्त्री कहलै, “सन् २०३० भित्रे दिगो विकासके लक्ष्य हासिल कैना अभियानमे हमे हमार हरेक क्षण, सम्भावना ओ सामर्थ्यके सदुपयोग करटी रहल बाटी । इहीसे हमे ...समृद्ध नेपाल, सुखी नेपाली’के राष्ट्रिय आकांक्षा पूरा कैना सफल हुइबी ।”

प्रधानमन्त्री ओली सन् २०२६ स

नेपालहे अतिकम विकसित मुलुकके हैसियतसे स्तरोन्नति कैना ओ ओकर दिगो व्यवस्थापनके लाग अर्थिक सूचकके बढ़ोत्तरी कैना आधार फेन लोकतन्त्र नै रहल बटैलै । लोकतन्त्रके खुला मैदानमे नै जनताके जीवनमे प्रगति हुइल जनैटी उहाँ बहटी रहल जनआकांक्षा ओ चुनौतीबिच, राज्यके संस्थागत ओ सामर्थ्यबीच लय मिलाके सङ्गतिपूर्ण ढङ्गसे आधे वढल बटैलै ।

प्रधानमन्त्री कहलै, “हमार युवा पुस्ता देशके भविष्य हुइट । उहाँहुनकहे शिक्षा, स्वास्थ्य, रोजगारी ओ उद्यमके अवसर उपलब्ध करैन ओ स्टार्टअपमार्फत उद्यमशीलताके थालनी करल बा ।”

उहाँ मुलुकके सुशासन, विकास, समृद्धि ओ जनताके सुखके सुनिश्चितताके लाग प्रभावकारी शासन प्रणाली ओ सुव्यवस्थाके राष्ट्रिय आकांक्षा पूरा कैना अभियानमे एकजुट होके योगदान कैना सम्पूर्णमे आह्वान करले बाटै । ‘राष्ट्रके समृद्धि ओ जनताके सुख’हे अपने ‘परिपूर्ण लोकतन्त्र’ कहटी आइल स्मरण कैटी प्रधानमन्त्री ओली प्रजातन्त्रसे ‘संगठन ओ अभिव्यक्तिके स्वतन्त्रता’के किल

वकालत करल अवस्थामे परिपूर्ण लोकतन्त्रसे सक्कु जनहनहे ‘अधिकार ओ अवसर, समानता ओ सामाजिक न्याय, सुरक्षा ओ सम्मान’मे समान पहुँचके पैरवी करल बटैलै । उहाँ सरकार समग्र विकासमार्फत व्यक्तिके मानवीय ओ जैविक न्यायोचित आवश्यकताके सहज परिपूर्ति कैना दिशा ओर इमानदारीपूर्वक जैटी रहल बटैलै ।

फागुन ७ मुलुकहे सक्कु हिसाबसे स्वतन्त्र ओ सार्वभौम बनैना दृढ सङ्घर्ष आधे बहाइल जनैटी प्रधानमन्त्री ओली भविष्यके रूपमे उदैटी रहल काल्हेके पुस्ता आजके दिनहे नैबिसराइ मिल्ना बटैलै । “प्रजातन्त्रके ओजरारमे हुकल, अत्याधुनिक सूचना प्रविधिमार्फत अनलाइन सेवा लेना बानी परसेकल आजके पुस्ताके लाग काल्हेके शासनके उ कूरत- अनुभव नैहो, कथा किल हो”, उहाँ कहलै, “पुस्तान्तरके समयचापसे कबुकाल न्यानो दिनमे रहल बेला समाजसे उ कालरात्रीके कूरतम स्मृतिहे गुमाइ पुगइ ओ कहइ, ‘प्रजातन्त्रसे का करले बा ?, उहीसे टे आउर राणाकालके दरबारसे निर्वाह करटी रहल बा ।”

जहानियाँ शासकसे आपन सन्तानके लाग दरबार बनाइल उल्लेख कैटी प्रधानमन्त्री ओली प्रजातन्त्रसे जनताके लाग सडक, पुल, कुलो, बिजुली, व्यावसायिक व्यापार केन्द्र, अस्पताल ओ विद्यालय बनाइल बटैलै ।

“निरक्तुश शासनसे आपन अभिजातीय विलासके लाग बनाइल संरचना ओ लोकतन्त्रसे नागरिकके जीवनमे परिवर्तन लानक लाग बनाइल संरचनाके तुलना वस्तुगत ओ तथ्यगत हुइ सेकी ?”, उहाँ कहलै, “इहीहे आजके पुस्ता असान्दर्भिक तुलनासे नैहोके, विवेकके तराजुमे राखके तौले परल ।”

फागुन ७ गतेसे सक्कु नेपालीहे इतिहासप्रति गौरव कैना, वर्तमानमे क्रियाशील जिम्मेवारी निर्वाह कैना ओ भविष्यप्रतिको उत्तरदायित्वहे सामाजिक सम्पत्तिके रूपमे पुँजीकृत कैना अभिप्रेरित करटी रहना प्रधानमन्त्रीके कहाइ बा । “आजके दिन प्रजातन्त्र स्थापनाके संघर्षपूर्ण इतिहासहे स्मरण कैटी उ सङ्घर्षमार्फत जनतासे चाहल राष्ट्रके समृद्धि ओ जनताके सुख प्राप्तिके आकांक्षा साकार पना सत्कल्प कैना दिन फेन हो”, उहाँ कहलै ।

आजसे धनगढीमे सीप तथा रोजगार मेला

पहुरा समाचारदाता
धनगढी, ७ फागुन । धनगढीमे आजसे सीप तथा रोजगार मेला शुरु हुइ लागल बा ।

धनगढी उपमहानगरपालिकाके आयोजनामे हुइ लागल मेलाके तयारी पुरा हुइल बुधके रोज पत्रकार सम्मेलन मार्फत जानकारी कराइल बा । उपप्रमुख कन्दकला राना मेलाके तयारी पुरा हुइल जानकारी डेली । उपमहानगरपालिकासे १८ से ४० बरस युवाहुकनके लाग स्वरोजगार हुइना सहयोग पुगैना टमान ८ विधामे २९ मेरके तालिम डेहे लागल उहाँ बटैली । उहाँ एक हजार ४० जनहनहे तालिम डेहे लागल फेन जानकारी डेली ।

तालिम तथा रोजगार व्यवसायी महासंघ लगायत टमान संघसंस्थासँके सहकार्यमे मेला आयोजना हुइ लागल बा । मेलामे सहभागी हुइक लाग चारहजार ८३० जनहनके आवेदन परल तालिम तथा रोजगार व्यवसायी महासंघ सुदुरपश्चिमके अध्यक्ष प्रमोद पाठक जानकारी डेलै ।

मेलाके लाग सुदुरपश्चिमके सक्कु स्थानीय तहसे युवाहुके आवेदन डेहल रहिट । उ मध्ये फोनसे ओ प्रत्यक्ष बोलाके अन्तरवार्ता लेके तालिमके लाग छनौट करल पाठक बटैलै ।

सुदुरपश्चिम प्रदेशके ९ जिल्लाके ४७ पालिकासे आवेदन अइलेसे फेन आब ३९ पालिकाके एकहजार ४० जनहनहे तालिम डेना उहाँ जानकारी डेलै ।

विल्डिड पेन्टरके तालिमके लाग २५ सिट, पुरोहितके लाग २५, वेटरमे

५०, टायल मार्बल फिक्स्चर तालिमके लाग ५०, फेशन डिजाइन, एडभान्स व्युटिसियन, लेखा व्यवस्थापन तालिम, एडभान्स टेलरिड, कफी वारिस्ता लगायत तालिमके लाग कोटा निर्धारण करल रहे ।

उहे छनौट हुइल युवाहे तालिममे सहभागी हुइना धनगढी उप-महानगरपालिकाके मेयर गोपाल हमाल बटैलै । तालिमके लाग छनोट हुइल युवाहे एक महिनासम निःशुल्क तालिम डेजैना बा । तालिम ओराइलपाछे स्वरोजगार बनक लाग अभिमुखीकरण तालिमसमेत डेजैना बा ।

४० दिनसम चल्ता तालिममे युवाहे स्वरोजगार तथा आत्मनिर्भर बनाइक लाग बजारके माग अनुसार सीप सिखाके दक्ष बनैना, स्वदेशमे रोजगारके अबसर पैना मेरके दक्ष बनैना, साथे बाहर जाइ चहुइया युवाहे समेत दक्ष बनाके दक्षताके अभावमे विदेशमे असुरक्षित ओ न्युन ज्यालामे रोजगारी करे पर्ना बाध्यता समेत हट्ना उपमहानगरपालिकाके अपेक्षा रहल बा । ओस्टके मेलामे युवाहे दक्ष बनाके स्वउद्यमी बन्ना ओ स्टार्टअप व्यवसायके लाग उत्प्रेरित कैना लगायतके लक्ष्य रहल मेयर हमाल बटैलै ।

धनगढी उपमहानगरपालिका वडा नम्बर १ स्थित खुला मञ्चमे आयोजना हुइना मेलाके उद्घाटन नेपाल सरकारके उद्योग, वाणिज्य तथा आपूर्ति मन्त्री दामोदर भण्डारी कैना जनाइल बा । दिनके १ बजे उद्घाटन हुइना मेलामे सक्कु जनहनहे सहभागिताके लाग उपमहानगर अपिल करले बा ।

एक वर्षमे १

करेबेर केन्द्रमे दर्ता हुइल अधिकांश घटनामे मिलापत्र हुइल पाइल ओरसे फितलो कानून ओ रहल कानूनके फे कार्यान्वयन नैहुइनासे महिलाउपपर हुइना हिसाके घटनामे कमी नैआइल इन्सकके आकलन बा ।

सन् २०२४ मे इन्सेक जिल्ला प्रतिनिधिसे जिल्लामे वातावरणीय अधिकारके अवस्थाके बारेमे अनुगमन करके ओकर सत्यतथ्यांक वर्ष पुस्तकमे अभिलेख हुइल बा । जिल्लामे वातावरणीय प्रभावके कारण अपने जन्मल हुकल ठाउँ ओ वस्तीमे बैठे नैसक्के बसाईसराई करल, वायु प्रदूषणके अवस्था, खाद्य संकट, खानेपानी ओ सरसफाईके अवस्थाके बारेमे वर्ष पुस्तकमे समावेश करल बा । बाढपहिरोके कारण नागरिक थातथलो छोडके विस्थापित हुइना, गुणस्तरीय शिक्षा, स्वास्थ्य ओ रोजगारीके खोजीमे बसाइसराई कैना क्रम जारी रहल पागिल बा ।

सुदूरपश्चिम प्रदेशके अधिकांश जिल्लामे प्रयाप्त मात्रामे सार्वजनिक शौचालय निर्माण नैकरके नागरिकसे सास्ती खेपे परल गुनासा प्राप्त हुइल बा । सुदूरपश्चिम प्रदेशके नौ जिल्लामे रहल कारागारके कुल कैदी क्षमता ५ सय ८५ जाने रहलमेफे यी वर्ष क्षमतासे दुई गुणा ढेर १ हजार ६ सय ६६ जान कैदैवन्दी धारल पाइल बा । यिहीसे कारागारमेसमेत कैदीबन्दीके जीवनउपपर असुरक्षा बहटी गैल विलाइठ । क्षमतासे ढेर कैदी बन्दी धारल कारण कतिपय कारागारमे पाल लगाके सुटेपर्ना बाध्यता रहल बा । कारागार सुधारके योजना यी वर्ष फे कागजमे सीमित रहल बा । बालसुधार गृहके अवस्थाफे सन्तोषजनक रहल नैहो । २५ जाने क्षमता रहल बालसुधार गृह, डोटीमे यी वर्ष ६१ जाने

धारल पाइल वर्ष पुस्तकमे अभिलेख करल बा ।

मुलुकभर करल अभिलेखअनुसार सन् २०२४ मे मानव अधिकार उल्लंघन ओ ज्यादतीके घटनामे १० हजार ७ सय ३४ जाने पीडित हुइलै । यी वर्ष मानव अधिकार उल्लंघनके घटनामे १ सय १४ महिला ३ सय ४४ पुरुष करके जम्मा ४ सय ५८ जाने तथा ज्यादतीके घटनामे १ हजार ५ सय ७२ महिला १७ सय ४ जाने पुरुष करके जम्मा १० हजार २ सय ७६ जाने पीडित हुइल अभिलेख हुइल । यी सख्या गैल वर्षसे १ हजार ३ सय ४६ जाने ढेर हो ।

यी वर्ष राज्य पक्षसे एक जानेक हत्या हुइल । यी वर्ष राज्य पक्षसे गिरफ्तारीके घटनामे ३७ जाने, कुटपिट घटनामे ४७ जाने, दोहोरो झडपसे ४३ जाने, कुटपिटसे ५९ जाने, गोली लागके ६ जाने, धरियार हतियारसे ११ जाने करके १ सय १९ जना घाइल हुइलै । जातीय विभेद अन्तर्गत सार्वजनिक स्थलमे प्रवेशसे बन्चित घटनामे एक जाने, भेला तथा संगठित हुइना अधिकारमे १ सय ५६ जाने पीडित हुइल अभिलेख हुइल बा । कारागारमे ४ महिला सहित ६० जाने ओ प्रहरी हिरासतमे पाँच जाने पुरुष करके ६५ जानेक मृत्यु हुइल अभिलेख हुइल बा । यौन दुर्व्यवहार घटनामे एक जाने महिला पीडित हुइल अभिलेख समेत यी वर्ष हुइल बा ।

सन् २०२४ मे अन्य पक्षसे महिलाउपपर हुइना हिसाके घटनामे ७ हजार ५ सय ८३ जाने पीडित हुइल अभिलेख हुइल बा । यी वर्ष बेचबिखन प्रयासके घटनामे २२ जाने, बेचबिखन तथा ओसारससार घटनामे ६० जाने, घरेलु हिंसाके घटनामे ५ हजार ८ सय जाने, कचित बोक्सीके आरोपमे २९ जाने, बलात्कारके घटनामे ६ सय ६४ जाने, बलात्कार प्रयासके घटनामे १ सय ४४

जाने, यौन दुर्व्यवहारके घटनामे ३१ जाने, हाडनाता करणी घटनामे २३ जाने, वैवाहिक बलात्कार घटनामे २३ जाने, गामुहिक बलात्कार घटनामे २५ जाने, साइबर अपराध घटनामे ३ सय ६६ जाने, दाइजोजनित हिसा घटनामे २ सय १२ जाने बलात्कारपश्चात हत्या घटनामे सात जाने ओ परिवारजनसे हत्या १ सय जाने पीडित हुइल अभिलेख हुइल बा । जातीय विभेद घटनामे यी वर्ष फे २० जाने पीडित हुइल अभिलेख हुइल बा । सन् २०२४ मे टमान प्रकृतिके घटनामे १ हजार ७ सय ५८ जाने वालवालिका पीडित हुइल अभिलेख हुइल बा । यी वर्ष बेचबिखन तथा ओसारपसार घटनामे ६४ जाने, बालविवाह घटनामे ४० जाने, बलात्कार घटनामे ९ सय ३६ जाने, हाडनाता करणी घटनामे ६२ जाने, सामुहिक बलात्कार घटनामे ४९ जाने, साइबर अपराध घटनामे २ सय ३ जाने, विद्यालयमे डेना शारीरिक यातना घटनामे २६ जाने, नवजात शिशुके हत्या

घटनामे आठ जाने, बलात्कारपाछे हत्या घटनामे एक जाने ओ यौन दुर्व्यवहार घटनामे ३ सय ६८ जाने पीडित हुइल अभिलेख हुइल बा ।

सशस्त्र द्वन्द्वके अन्त्य हुइल १८ वर्ष बिटलेसेफे द्वन्द्वपीडितके मुद्दा ज्युके रहल बा । बेपत्ता पारल व्यक्तिके छानबिन आयोग ओ सत्य निरूपण तथा मेलमिलाप आयोगके अध्यक्ष तथा सदस्यके नियुक्तिके सिफारिस कैना सरकारसे पुनर्गठन करल समिति जिम्मेवारी पूरा नैकरके विघटन हुइलसंगे नेपालके सकमणकालिन न्यायमे फेरसे अवरोध आइल बा ।

कार्यक्रममे एन्सेक प्रदेश संयोजक खडकराज जोशी नेपाल पत्रकार महासंघ सुदूरपश्चिम प्रदेश संयोजक भरत शाहहे वर्ष पुस्तक हस्तान्तरण करके उ पुस्तक सार्वजनिक करल रहिट । कार्यक्रममे इन्सेक प्रदेश कार्यालयके प्रलेख अधिकृत कृष्ण विक ओ जिल्ला प्रतिनिधि मैनामोती चौधरीलगायत संचारकर्मीहुकनके सहभागिता रहे ।

चौधरी फेसन टेलर्समे विशेष छुट

हमार यहाँ जौनफे मेरिक कोटपाईन्ट, सर्ट, आसकोट, दाउरा सुरुवाल, जुहारी कोट, टाई, टोपी पैनाके साथे स्कुल ड्रेस, क्याम्पस ड्रेस, निजामती कर्मचारीके ड्रेस तथा थान कपडा सुपथ मोलमे विक्री कैनाके साथे सिलाई फे करजाइठ ।

प्रो. विष्णु चौधरी (९८४८४७१३४७)

चौधरी फेसन टेलर्स

धनगढी-१, बुद्धमार्ग, कैलाली (जिप्रका पुल नजिक)

हमार नयाँ शाखा धनगढी-७, मोतीचोकमे खुलल सहर्ष जानकारी कराइटि ।

नोट : हमार यहाँ इण्डियाबरेलीके दक्ष कलीगबहुकनसे कोटपाईन्ट सुपथ मोलमे सिलाई करटी रहल ग्राहक वगृहिकनहे सहर्ष जानकारी कराइटी ।

रेडिमेट कोटपाईन्ट तथा क्याम्पस ड्रेस कोटपाईन्ट मात्र रु. ७८५०/- मे

संधियारको नाममा जारी १५ दिने सूचना ।

यस उपमहानगरपालिकाको वडा नम्बर ५ किता नं. ४८१ क्षेत्रफल ३९४.२४ वर्गमिटरमा भवन निर्माण गर्ने घरधनी श्री तिलसरि कुमारी मल्लले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: लहिया डुगौरा थारु पश्चिम: सडक

उत्तर: अम्बिका खडका दक्षिण: कटक बहादुर डुगौरा थारु

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

बालबालिकामा हुने सबैखाले रोग र समस्याहरु बाट छुटकारा

नवजात शिशु तथा बालरोग सम्बन्धी उपचार तथा समस्याहरु

- बच्चाको दमको जाच, दममा प्रयोग हुने Spirometry
- बारम्बार रुघारसोकी लागिरहने समस्या
- घ्यार(घ्यार भइरहने, नाक बन्द भइरहने समस्या
- निमोनिया तथा एलजीको समस्या,
- खाना नखाने, तौल नबड्ने,बारम्बार जोरो आहिरहने
- ऋडापखाला लागिरहने, जन्डिस, अपच,कब्जियत,
- पेट दुख्ने र कान पाक्ने जस्ता समस्याहरु

डा.पुष्प राज अवस्थी

MBBS, MD (Paediatrics)

DM (Paediatrics Critical Care)

PGIMER (india), NMC No. 11987

डाक्टर आउने मिति

फागुन १६-१७ गते

Hasanpur, Dhangadhi-5, Kailali, Nepal

Tel. 091-527000/01/02, 9865680100

Advanced Healthcare for all...

९औं राष्ट्रिय थारु साहित्य सम्मेलन बर्दियामे

पहुरा समाचारदाता

धनगढी, ७ फागुन । ९औं राष्ट्रिय थारु साहित्य सम्मेलन बर्दियाके जेतपुरमे हुइना हुइल बा ।

थारु लेखक संघ ओ जंगार साहित्यिक बखेरीके आयोजनामे इ बरस बर्दिया जिल्लाके राजापुर वडा नम्बर २ जेतपुरमे इहे फागुन १६ गतेसे १७ गतेसम्म दुई दिनसम्म सम्मेलन हुइना हुइल हो । सम्मेलनमे राष्ट्रिय स्तरके साहित्यकार, लेखक, स्रष्टाहुकनके उपस्थिति रहना थारु साहित्य राष्ट्रिय सम्मेलनके मूल आयोजक समितिके संयोजक एवं थारु लेखक संघके केन्द्रीय अध्यक्ष कृष्णराज सर्वहारी जानकारी देलै ।

थारु भाषा, साहित्य, कला संस्कृतिके प्रवर्द्धनमे सहयोग पुगैना उद्देश्यसे आयोजना हुइना सम्मेलनमे समकालीन साहित्य, कला तथा संस्कृतिबारे बहस हुइनाके साथे स्रष्टा एवं सरोकारवालासँग

बृहत् अन्तरक्रिया ओ प्यानलमा छलफल कैना उहाँ बटैलै ।

इहीसे आघे गैल बरस संघसे सुनसरी जिल्लाके गढी गाउँपालिका २ गढीनाथमे आठौं राष्ट्रिय थारु साहित्य सम्मेलन कैटी ९ बुँदे घोषणापत्र जारी करल रहे । थारु लेखक संघ नेपाल ओ हौली परिवारके आयोजना तथा नेपाल प्रज्ञा प्रतिष्ठान, एआईपीपीके सहकार्यमे २०८० माघ २६ से २७ गतेसम्म दुई दिने साहित्य सम्मेलन हुइल रहे ।

सम्मेलनसे जारी करल ९ बुँदे घोषणा पत्रमे थारु भाषा, साहित्य, संस्कृति, उत्थानके लाग थारु साहित्यिक संघ संस्था, लेखक, साहित्यकार, सम्पादकहुकन एकजुट होके सहकार्य कैना निर्णय करल रहे ।

ओस्टके थारु मातृभाषामे पठनपाठन कार्यान्वयनके लाग थरुहट क्षेत्रके विद्यालयमे पालिकाहुकनसे पहल कर्ना, थारु लोक साहित्यकार हुकनके

सुचिकरण कैके पाण्डुलीपी प्रकाशनके लाग संयोजना कर्ना, थारु भाषाके थप सम्बृद्धिके लाग अनुवाद साहित्यहे जोर देना, थरुहट क्षेत्रके प्रत्येक पालिकाहुकन थारु भाषा, साहित्य ओ संस्कृतिक संरक्षण, विकासके लाग रकम छुट्याइक लाग पहल कैना तथा दवाव देना निर्णय हुइल रहे ।

वडा न २ कार्यालयहे नेपाल प्रज्ञा प्रतिष्ठान एआईपीपी, हौली परिवारके आजिवन सदस्यता लेके कार्यक्रम सफल बनैना आजिवन सदस्य तथा आर्थिक भौतिक सहयोग कर्ना सक्कु सुभेच्छुक, मिडिया, सुरक्षाकर्मी लगाएत मेहमेहीक जिल्लासे कार्यक्रम सहभागि सक्कुहुकन धन्यवाद ज्ञापन कैगिल बा ।

थारु लेखक संघके आयोजनामे २०७३ सालमे दाङसे शुरू हुइल थारु साहित्य सम्मेलन दुसरा कैलालीके पटेला, टिसरा बर्दियाके बहैयाताल, चौठा रुपन्देहीके उचडिहुवामे, पाँचौ सुर्खेतके

वीरेन्द्रनगरमे, छैठौ कञ्चनपुरके कृष्णपुरमे, सातौँ बाँकेके राप्तोसोनारी ओ आठौँ सुनसरीमे हुइल रहे ।

थारु लेखक संघके आयोजनामे २०७३ सालमे दाङसे शुरू हुइल थारु साहित्य सम्मेलन दुसरा कैलालीके पटेला, टिसरा बर्दियाके बहैयाताल, चौठा रुपन्देहीके उचडिहुवामे, पाँचौ सुर्खेतके वीरेन्द्रनगरमे, छैठौ कञ्चनपुरके कृष्णपुरमे, सातौँ बाँकेके राप्तोसोनारी ओ आठौँ सुनसरीमे हुइल रहे ।

हठिया मृत फेला

पहुरा समाचारदाता

धनगढी, ७ फागुन । कञ्चनपुरके लालझाडीमे बनुवामे हठिया मृत फेला परल बा । विगत कुछ महिनासे आतक्त मचैटी आइल क्षेत्रमे हठिया मृत अवस्थामे फेला परल हो । लालझाडी गाउँपालिका-४ के पर्सिया ओ जाई गाउँके आसपास रहल सडक किनारमे वयस्क हठिया मरल अवस्थामे भेटल डिभिजन वन कार्यालय कञ्चनपुरके प्रमुख रामबिचारी ठाकुर बटैलै । लालझाडी कोरिडोरमे रहल हाठी गैल कुँवारसे उ क्षेत्रमे खेतीपातीमे नोकसान कैटी आइल बाटै । हठियक आक्रमणसे कञ्चनपुरमे इहे बरस दुई जनहनके ज्यान गैल रहे ।

धनगढीमे ललितकला प्रदर्शनी

पहुरा समाचारदाता

धनगढी, ७ फागुन । नेपाल ललितकला प्रज्ञा-प्रतिष्ठान ओ सुदूरपश्चिम प्रज्ञा-प्रतिष्ठानके संयुक्त आयोजनामे आज बिफेक रोजसे धनगढीमे प्रादेशिक ललितकला प्रदर्शनी हुइना हुइल बा ।

प्रादेशिक प्रदर्शनीके लाग प्रदेशके डेढ सयसे ढेर कलाकारके कला कृति दर्ता हुइल सुदूरपश्चिम प्रज्ञा-प्रतिष्ठानके उपकुलपति डा.टीएन जोशी बटैलै । सुदूरपश्चिम प्रज्ञा-प्रतिष्ठानके कार्यालय हसनपुरमे हुइना ललितकला प्रदर्शनीके दिनके १ बजे उदघाटन हुइना उपकुलपति जोशी जानकारी देलै ।

पाँच दिनसम्म हुइना प्रदर्शनी फागुन ८ से १२ गतेसम्म अवलोकन करे सेकजैना

जनाइल बा ।

प्रदर्शनीमे सुदूरपश्चिमके चित्रकला, मूर्तिकला, लोककला ओ हस्तकलाके प्रदर्शनी हुइना जनाइल बा ।

सुदूरपश्चिम प्रज्ञा-प्रतिष्ठानके उपकुलपति तथा संस्कृतिविद डा. टीएन जोशी सुदूरपश्चिम प्रदेशमे ललितकलाके विकास पाछे परल ओरसे गैल बरससे नेपाल ललितकला प्रज्ञा-प्रतिष्ठानसंगके सहकार्यमे प्रादेशिक प्रदर्शनी शुरू करल बटैलै । उपकुलपति जोशी प्रदर्शनी अवलोकनके लाग सक्कु सरोकारवाला, शिक्षक, विद्यार्थी, अभिभावक, सञ्चारकर्मी, कलाकार, स्रष्टा, राजनीतिकर्मी, समाजसेवी सक्कु जनहनहे आमन्त्रण करले बाटै ।

कम्पनीको नाम परिवर्तन सम्बन्धी सूचना

सूचना प्रकाशित मिति: २०८१/११/०६

यस कम्पनीको मिति २०८१/०९/१९ गते सम्पन्न विशेष साधारण सभाको निर्णय तथा कम्पनी रजिष्ट्रार कार्यालयको मिति २०८१/१०/०४ गतेको स्वीकृति प्राप्त भई साविक कम्पनी श्री स्टार विल्डर्स एण्ड सप्लायर्स (२९८४४०) को नाममा रहेको सम्पूर्ण चल अचल सम्पत्ति तथा तिर्नु व्यहोर्नु पर्ने ऋण, धन, कर दायित्व आदि परिवर्तित नामको श्री स्टार विल्डर्स एण्ड सप्लायर्स प्रा.लि.ले सकाई व्यहोर्ने गरी कम्पनीको नाम परिवर्तन गरिएको व्यहोरा यसै सूचनाद्वारा जानकारी गराइन्छ ।

कैलारीके उदासीपुर ओ पवेरामे प्रजनन स्वास्थ्य शिविर

पहुरा समाचारदाता

हसुलिया, ६ फागुन । कैलाली जिल्लाके कैलारी गाउँपालिका वडा नम्बर ८ उदासीपुर ओ वडा नम्बर ५ पवेरामे प्रजनन स्वास्थ्य जाँच शिविर हुइल बा ।

कैलारी गाउँपालिका स्वास्थ्य शाखाके आयोजनामे वडा नम्बर ८ स्थित उदासीपुर प्राथमिक स्वास्थ्य केन्द्रमे कुल २८९ जाने विरामीहुकन सेवा लेहलमे पाठेघरके क्यान्सर परीक्षण १२६ जाने कराइलमे नेगेटिभ १२४ जाने, २ जाने पोजेटिभ देखल बा । ओम्नेसे यौनजन्य रोगके उपचार ८८ जानेक कैगिल बा । एक जाने पाठेघर खसलके उपचार कैगिल बा ।

ओस्टके मंगरके रोज वडा नम्बर ५ पवेरा स्वास्थ्य चौकीमे कुल १९४ जाने सेवा लेहल रहित । ओम्नेसे पाठेघरके क्यान्सर परीक्षण १६७ जाने कराइलमे सक्कु जानेक नेगेटिभ देखल



बा । ओस्टके यौनजन्य रोगके उपचार ४९ जानेक करल बा । एक जाने पाठेघर खसलके उपचार हुइल कैलारी गाउँपालिका स्वास्थ्य शाखा प्रमुख नरेशकुमार चौधरी जनैलै ।

पवेरामे हुइल प्रजनन स्वास्थ्य शिविरके उदघाटन कार्यक्रमके प्रमुख अतिथि कैलारी गाउँपालिका वडा नम्बर

५ के वडा अध्यक्ष विष्णु प्रसाद चौधरी रहल रहित । प्रजनन स्वास्थ्य शिविरमे सेती प्रादेशिक अस्पतालके स्त्रीरोग विशेषज्ञसे जाँच कैगिल रहे । शिविरमे कैलारी गाउँपालिकाके स्वास्थ्य शाखा प्रमुख नरेशकुमार चौधरी, शाखाके प्रतिनिधिहुकन, स्वास्थ्य चौकीमे कार्यरत स्वास्थ्यकर्मीहुकनके सहभागिता रहे ।

साइबर सुरक्षाबारे सचेत रहौं

- अपरिचित लिङ्क वा मेल नखोलौं,
- चिह्ना पर्यो भनि आएको मेल/लिङ्कहरूको विश्वासमा नपरोई,
- विभिन्न उपहार पठाउन रकम माग गरे विश्वास नगरोई,
- आफ्नो फोटो, भिडियो तथा व्यक्तिगत जानकारी जो कोहीसँग सेयर नगरोई,
- आकर्षक रोजगारी पाउने प्रलोभनमा रकम नपठाओई,
- चिनजानकै व्यक्तिबाट मेसेजमा रकम माग गरेमा ह्याक भएको हुनसक्छ, त्यस्तो अवस्थामा रकम नपठाओई,
- सार्वजनिक स्थानमा उपलब्ध फ्रि वाइफाईमा वैद्विक कारोबार वा संवेदनशील जानकारी आदानप्रदान नगरोई ।

शंका लागेमा नजिकको प्रहरी वा साइबर व्युरोमा सम्पर्क गरौं ।



ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

गौरीगंगा नगरपालिकाद्वारा जनहितमा जारी सन्देश

चिसोमा हुने स्वास्थ्य समस्याबाट बचौं

- चिसोबाट बालबालिका र ज्येष्ठ नागरिक बढी प्रभावित हुने हुँदा उनीहरूको उचित स्याहार गरौं,
- चिसोमा बाहिर हिँड्दा तातो र न्यानो कपडा लगाऔं,
- कोठामा हिटर वा आगो वाल्दा होसियारी अपनाऔं,
- चिसोबाट जोगिन दैनिक घाम ताप्ने गरौं,
- शारीरिक व्यायाम गरौं,
- जाडोबाट बच्ने नाममा धुम्रपान र मद्यमान नगरौं,



गौरीगंगा नगरपालिका नगरकार्यपालिकाको कार्यालय चौमाला, कैलाली

सुवर्ण अवसर ! सुवर्ण अवसर !! सुवर्ण अवसर !!!



डा. संजयकुमार गुप्ता
एम.बि.बि.एस., एम.डि. (टि.यु.)
इन्टरनल मेडिसिन वरिष्ठ
कन्सल्टन्ट फिजिसियन (पेट, छाती, मुटु, कलेजो, मधुमेह (सुगर), प्रेसर, तथा थाईराइड रोग विशेषज्ञ
एन.एम.सी. नं.-१०५६४

डाक्टरद्वारा दिइने स्वास्थ्य सेवाहरू

- मुटु दुखेको, मुटु भारी जस्तो भएको, मुटुको धडकन बढेको ।
- सास लिन गाह्रो हुने, छाती दुख्ने, रुघाखाँकी लागेको, खकारबाट रगत देखिने, लामो समयदेखि दमको समस्या भएको ।
- पेट दुख्ने, कोखा दुख्ने, मुखबाट रगत बग्ने ।
- अमिलो पानी आउने, ह्याउ-ह्याउ आउने, उल्टी हुने, पेट फुलेर खान मन नलान्ने ।
- पिसाब पोल्ने, रातो पिसाब आउने, कम पिसाब हुने, पिसाब बन्द हुने, राति धेरै पटक पिसाब हुने, खुट्टा सुनिने, पहेँलो पिसाब हुने ।
- पेट फुल्ने, हात खुट्टा सुनिने, पेटमा पानी जम्ने, जण्डिस हुने, खाना नरुच्ने, दम हुने ।
- धेरै मोटो हुने, निन्द्रा धेरै लाग्ने, मुटुको धडकन बढ्ने, आँखा बाहिर आउने, मान्छे एकदम पातलो हुने ।
- टाउको दुख्ने, चक्कर लाग्ने, हिँड्दाखेरि लडिबुडी हुने, निन्द्रा नलाग्ने, हिँड्दा खेरि दम हुने ।
- धेरै तिर्खा लाग्ने, धेरै पिसाब हुने, धेरै खान मन लाग्ने, हातखुट्टा भ्रम-भ्रम गर्ने ।
- सुगर, प्रेसर, थाईराइड रोगको उपचार तथा परामर्श ।
- ज्वरो सम्बन्धी सम्पूर्ण रोगको उपचार ।
- शरीरमा रगत कम हुने, अल्छी लाग्ने, शरीर सुनिने, थाकने ।
- बाथ रोग सम्बन्धी उपचार तथा परामर्श ।

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाक्का सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गाड्बडी, पाठेघर खस्ने, पाठेघरको अप्रेशन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठगाँठ आउने, शरीरका विभिन्न भागमा गाँठगाँठ, घाउ खटिरा, पत्थरी, किडनीको पत्थरी, प्रोस्टेटको अप्रेशन तथा पित्तथैलीको पत्थरी अप्रेशन) । ४) हाडजोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेशन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्नु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेशन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९